

叢書集成續編

第一五八冊目錄

文學類



詩文別集——清

鐵橋漫稿八卷·····	清	嚴可均撰	心矩齋	一
冬青館甲集六卷乙集八卷·····	清	張鑑撰	吳興	一〇七
涇西書屋詩稿四卷文稿二卷·····	清	汪元爵撰	清頌堂	三二三
初月樓四種二五卷·····	清	吳德旋撰	花雨樓	三七七
初月樓文鈔十卷·····				三八一
初月樓續鈔八卷·····				四九四
初月樓詩鈔四卷·····				五八七
初月樓古文續論一卷（見叢書集成新編第八十冊）·····	清	吳德旋述		
程子香文鈔二卷·····	清	呂璫錄		
瀟月軒詩集二卷續集二卷文集一卷續集一卷詩餘一卷·····	清	程德賚撰		六二三
嘉蔭蓀集二卷·····	清	趙荃撰	荔牆	六三九
	清	劉喜海撰述		
	民	陳乃乾輯錄	咫園	七三一

鐵

橋

哥

豪

八

卷

光緒乙酉長
洲蔣氏重刊

鐵橋漫稿卷第一

烏程 嚴可均 景文

獨漉篇

獨漉獨漉泥濘陷轂陷轂猶可翻車汗我春華大好畏
及早秋相面不侯慎莫竊鉤廉吏苦貧不酌貪泉直木
見伐不願曲全狐貉雖溫當炎不御蘭蕙雖馨當門則
去白日杲杲黃沙浩浩晝短夜長憂多樂少勢利之交
隙于一言彌天之讎戰于一棺彎弓射虎虎啞而怒我
命在天匪虎之懼小信賊信小忠賊忠登高四望伊誰
適從

白頭吟

鐵橋漫稿
卷一
一
心矩齋校本
三百八十八

鬱鬱江邊松哀哀雲際雁與君期白頭不謂中途變昔
者鳳與皇鳳意或求皇今者鳳與皇鳳皇不成雙溝水
東西流偕行各自涉琴心亦何常新舊不相及新人嬌
亦妍舊人妍亦嬾欲得新人笑莫如舊人啼過時愛情
割既望圓儀闕暑來常棄裘寒來亦棄葛魚尾何從筵
釣竿何珊珊嶺景下西嶺際曉復東還

車遙遙

荒鷄長號夜過半童僕挑燈取臥薦登程廿里星燦爛
昏騰殘夢兩目眩馬蹏蹏跋車轂戰前行後行聲相喚
扶桑挂鏡天下旦
車遙遙遙遙望車塵但見車塵起不見車中人

篋笈引

河之水兮風揚波公竟渡河兮奈公何

河水濺濺浪大風傾中流失船公不復還兮望斷河干

君馬黃

君馬黃臣馬紫天生兩馬皆四蹄那得令人不道死僮

頑弗輕棄憐是故鄉人衣敝弗輕棄猶帶故鄉塵

折楊柳歌

下馬折楊柳上馬吹胡笳主將功未遂戰士敢思家

三洲歌

三山斷江口送郎淚沾衣征帆遙不見知度巴陵西

企喻歌

鐵橋漫稿
卷一
二
心矩齋校本
三百九十五

憤子被文繡那得不為犧健兒苦寒餓那得不為非

西曲歌

盈盈大小姑隔卻湖口縣生憐百里閒相望不相見

子夜歌

儂上紅錦機兩絲織為一歡來就儂機有何不成匹

歡愛白蓮花盪舟向前浦剖開蓮子心似儂心中苦

歡聞變歌

贈歡碧玉簫中貫兩頭空歡心祇方寸不冝交付儂

采蓮曲

江南可采蓮女兒白雙足打槳石城西齊唱采蓮曲

采蓮復采蓮盪舟蓮葉間蓮葉綠如許蓮花紅可憐

歡采蓮幾枝儂采蓮幾枝歡儂各自采喚儂欲底爲
可憐雙鸞央交頸戢其羽可憐雙鸞央雙雙奈何許
蓮花出水立白白復紅紅兩般好顏色兩心同未同
道是兩心同其教顏色改顏色有時改與歡及時采
采采蓮多枝息息莖中絲絲絲斷未斷相連能幾時
蓮花結蓮子蓮子在蓮房齊唱采蓮曲延年壽千觴

江南樂

紅亭綠楊柳遮徧龍尾灣郎但不惜費一作不惜與儂樂

千年

佛粉行

惡生不如美死疆笑不如痛哭歲比不登遑果我腹行

鐵橋漫稿

三 心經廣校本
三九八

就食而徂東盡室家而度江江東十戶九戶空比年大
水復蝗蟲今年大旱千里赤湖底鑿井井底圻貧家鬻
女富獨宅無糜餽爾永朝夕躑躅荒墟遇見老嫗曰若
咨上天仁愛爾民賜爾佛粉療爾飢泥首膜拜荷大生
德遵彼西山披荊除棘窟地五尺強粲然逢白土菊之
顛之嗟嗟苦苦朝堀粉餐風露暮堀粉宿品幽木皮草
根和作乾餱既醒我吻又空我喉相看顏面如鵠如鳩
霜林夜半鬼哭啾啾居室何必高堂餬口何必稻粱願
得好生人惠我糗與糠黃鬚縣縣欄街坐口給米升錢
卅五遺之出疆急星火流民同是帝堯民去去江東非
樂土

郭公謠

郭公來胥吏瘠百姓肥吁嗟郭公來何遲
郭公去胥吏歌百姓哭吁嗟郭公去何速
織縑謠

南荒北孰家家食肉南孰北荒家家食糠

葵扇歌

蒲葵扇搖搖復拂拂到及秋風生與爾相離別
蒲葵扇附熱曾無意到及秋風生如何便棄置

古諺

江湖雖大不容鯢魚駿馬如龍不如安車

知命者不富大勇者不鬪

鐵橋漫稿

四 心經廣校本
三九六

善下者人上之善得者鬼喪之

我視人之明而自視則昧雖有離婁不克顧其背

多執不死多錢役鬼

匹夫多藏盜睨其旁

鳳皇不觸網義士不受賞

剛易折圓易缺白易汙巧易拙

善戰者能乘其閒也善治者先防其亂也

諛言伺其色讒言投其隙良言祛其惑善醫疏其塞善

政去其賊

高士不懷刺淑女不工嫺寶器不充肆太平不獻瑞

感興

秋蘭生礪曲泥露舒華滋含香自珍惜榮願亦任時一
朝初為佩使我枝葉離雖近君子身芬芳日以非岳阿
有本性依人非所宜

雜詩

富貴非吾樂貧賤非吾憂憂樂與俗殊耿耿在千秋斥
鴟笑黃鵠杳冥何所求貪夫務苟得志士務潛修彼我
不同道安能相為謀

南鄰有貧女粉黛夙無施夫君隔天末遠道胡不歸空
房顧形影中夜獨徘徊回阻飢盜無儲禦寒衾無衣賤妾
安足悲所悲黃口兒辛勤事織作聊用供舖糜詎無吉
士誘終焉禮自持芳蓮出池底中心不受泥昊天監知

之君歸亮有期

鐵橋渡稿

五

心矩齋校本

豫章千尺木乃在大江西皇天雨露恩挺此廟堂姿維
陽要梁棟使者尺一馳郡縣被中旨搜揚敢後期百夫
擁上道道苟咸嘆谷詎不戀舊土懷材難久遺此身既
許國翦伐所未辭根斷枝作薪一作根朽并沈胡不齊
腐儒喜談古古事茫昧閒目遇猶難恃豈況共和前蚩
尤相黃帝見管子逐鹿啟兵端羽淵既方命郊配四百
年湯武同時起中分天下難武庚成亦賢少康敗亦頑
人事或翻覆予奪天無權萬古同此天今爾將何言
江浙田賦重東南民力殫尤重者四邑江震與程安野
人納倉米歸來各悲歎終歲常勤動合家常飢寒如聞

八省漕輕重絕相懸王道無黨偏四邑民獨艱我云否
不然昔在宋明年有官田籍沒租額若天淵官田籍沒
額起科每畝四五斗減之再三減四則以相權承流率
七八斗至一石以上減之再三減四則以相權承流率
浮濫什一二之間官家但什一何異殷周前吳江等四
漕太湖稱達旱潦豐年收米畝三石四年石徒以承平
中年二石準古什一稅以一斗八升零入官邑皆水田
久百為費漸繁量入以為出上下俱安便

黃河天上落如龍性難馴自從開闢來為害中國頻徙
之行塞外中外長不貧漢武時齊人延年上書天子壯
喇木倫河鑿溝吳喇武至毛明安出喀爾喀右部放河
東下我于左翼前旗之東為四五堰不使消滴南流則
漠南數千里漸成膏腴中上永無河崇伯無遠略功辜
患豈非萬年至計而惜乎不能也

鐵橋渡稿

六

心矩齋校本

為神修鯨作隄禹于大伾以上亦作隄記云禹能後世治
河者猶夏道是循蘆灰能遏水下哨隨河新既免妨漕
運復不病居民決日至明年退灘填歲縻萬億緡隄塞
陳陳因因害以為利汎工問河臣

凌苕鮮冬榮木薜不宿槁嚴霜被高林松柏獨美好男
兒可憐羸憂多樂事少役役妻孥閒營營何日了羽人
海上來招我游蓬島沐髮瀛海波振袞及木杪回頭顧
塵寰錢鏐先我天夢醒嗒焉悲有生皆腐草卓卓桓君
山新論無仙道

擬古

慘差原上蒿遠近道旁黍人云百載前此地徧朱戶閭

古斯成今閱今斯成古策馬登崇岡蒼然望平楚寒煙
鬱荒疇墟墓紛難數悲風野蕭條樵牧自歌舞盈虛隨
大化貴賤俱黃土爲樂及芳時過時將安補

灼灼夫容花託生蘭澤畔與君新結褵錦衾光爛爛盛
愛難久持何言中道變恩重枯木春寵移和璧賤願得
鳳皇琴彈作相思散終日不成曲絃腸忽俱斷陽澤潤
華滋萬象咸周徧君意亮終回寄言加餐飯

篋中有端綺繡作碧梧枝上棲雙鳳皇翁離侶欲飛梧
葉猶未落所思猶未歸含情獨脈脈持此將詣誰

嬰婉天孫女當機不停梭睨睨望牽牛七夕相經過一
別動經歲佳期能幾何迢迢阻銀漢娟娟揚素波誰言

天上好天上別離多

鐵橋漫稿

七

心矩齋校本

遲遲白日暮唧唧寒蛩啼遠道多悲風良人行不歸空
房顧形影膏沐爲誰施歲華坐婉婉含淚理征衣金翦
裁妙匹縫弓素色絲征衣千縷絲賤妾千里思膏帶減

啼昔瘦損亮有差繁杵激清響夜久風淒其淒其徒緬

邈歸期安可知繫弓同心結庶近君光儀

客從京洛至遺我一綈袍窮途易感恩物輕詎則高繁
霜皓已結朔風起蕭條故人此嘉惠被服遂由敕僂勉

擬雜體詩

魏太子丕公譙

青天一片月照我芙蓉池兄弟旣和愷嘉客復鱗差長
筵倚綠波紛葩媚瓊粧絃誦競雅奏華鋌一何輝清光
滿西園繁星落酒厄翩翻此良會不醉將何爲羣公惠
好我吐握安敢辭展詩鳴心意幸甚樂昌期

陶徵君潛田居

屏處稀塵鞅作息儕農家鄰翁欣莫逆攜手話桑麻鷄
犬各自適童穉嬉無諱衰回度墟曲炊煙互交加微雨
昨夜過豆苗亦已花挈壺期一醉樂事良未賒

謝僕射混游覽

迅矣隙駟辰達哉樞樞諷良時益勝游胡爲久倥偬整
纒越都門薄言舍徒衆絲柳覆幽蹊煙蘿裊翠洞踐巒

鐵橋漫稿

八

心矩齋校本

天有階涉礪花無縫飄飄度石樓岌嶮駕虹棟寒香冷
袷衣清唄警塵葛凌厲眺崇京氣勢鬱龍鳳曾無補袞
能怒焉臺省奉聿想山中人撫躬用自訟

顏特進延之侍宴

燭龍曜恆極鵬翔煽炎椒西取沙河隔東觀若木遙廣
輪邈漢宇襟帶仰熙朝皇猷厲精治時巡蓄軫勞青陽
麗嶠路黃常卓江臯望幸徧五州懽懽齊四郊列騎扶
瑤轂轉軸翼龍梭天儀山祇警神輝水若迷回瞻衛龍
虎藐盼流金焦故里停璇蓋春方沛瓊膏荊豔誦遏雲
趙姬舞回颿長筵寵行殿廣座錯金貂恩由魚水洽道
以精一超嶽濱效瑞應鼎羹感和調

謝臨川靈運游山

曰余軼塵銜順命樂清適遠彼樊籠期振此青冥嗣緬
幽愜舊踪尋異理輕策境爲動息周形以崇溪役踐嵐
外九虛度谷下千尺仰聆松韻繁俛矚澗流激白岸憩
遙亭石門坐奧宅餘霞半入窗積翠寒欲滴層岵出丹
崖修蘿復鮮壁延眺愴忘餐游精厯未識水木媚清輝
靈蘊頓翕闢妙善堪元蹤冥契赴岑寂吏隱微在今一
往羨飛鳥

十三夜月

匡居寡塵悵眷茲階前月矧當盛節臨清輝滿庭懋紆
徐步簷楹幽思動超忽人靜蒼語繁風細花影活時有

鐵橋漫稿

九

心矩齋校本
三百七十八

玉露零兼之纖雲沒映池激若空幾望輪猶闕無嫌質
靡盈所貴光不竭何因期結璘冲虛卽蟾窟

十四夜月

經秋戀明月不夜先憑欄光輝踰前夕已見升東垣眾
星亦稍吐絳河揚微瀾灝氛一以澈懸曜誰不觀萬象
聳天衢十九已團欒持滿詎恆居若虛可久安素娥迎
佳節環佩來珊珊金鳬麗瑤軫皓彩流冰紈仰視渺難
卽含愁孰能刪淹客亦已久續醪安得錢無由荅金素
空吟窈窕篇

十七夜月

幽棲愛良夜薄斟趣亦佳展席坐方除好友心所諧須

與月初上清光入我懷流輝何冉冉忽已滿西階眾竚
各動寂一輪淨于指圓儀雖稍虧素彩猶無涯人生代
新故誰能長不乖處滿易招損過時遂積差感此盈虛
理使我心爲摧

送周十一北上

戒馬顧同槽駟魚戀故池有生匪木石孰無懷與思與
子久相要徜徉震湖湄男兒四方志如鳥辭舊枝藹藹
軒蓋路才捷競先時鷄鳴子當發淹留但今茲子我非
一身焉得不分離惟應分離後莫負心相知相知各努
力永言播令儀

送王孝廉歸浙

鐵橋漫稿

心矩齋校本
三百七十八

晨鷄應候鳴行子各嚴裝子今既放黜我亦游沅湘親
交義在敦何爲天一方燕山八九月朔風起悲涼清笳
亦斷續萬馬鳴秋霜奈何客游子揮手共倉皇征車各
邁邁邁邁遙相望後會亮有因願言崇令芳

寄潘大耋

中夜百端集披衣步前楹零零露華白唧唧寒蟬鳴感
此時物換重以別緒縈微風度虛牖熠燿時復明仰視
天宇閒銀河東北傾元運亦多阻迢遙間雙星況我素
心友焉能長合併援琴寫幽操賦戚多離聲詎無蘭蕙
花爲君掇其英中願渺難遂伫立徒屏營

楊周二子墓下作寄懷王山人

侵晨攜斗酒流眺城南隅碧波帶長麓寒光清有餘羣
鴉一以噪纍纍多丘墟念彼地下人生前良我徒楊子
雕龍手周生野鶴如飄飄兩詞客長伴孫太初流行隨
大化一去無賢愚寥寥四五子後死爾與余感此一相
酌沈吟立斯須

早起懷費七黃

野人先易起推窗星煥爛殘月在西垣屋影印溪面花
梢宿露滋林隙曉霞燦翻帙受清光焚香弄柔翰之子
我同聲新詩需點竄望望南徐家桑柘蔽遙岸
宿萬峯齋翫月懷柴大源

弭駕憩山閣待月出高城開簾延素彩照我孤客清遙
鐵橋漫稿 卷一 心矩齋校本 三百八十六

林屯夕輝激湖漾空明迢迢銀漢瀉耿耿玉繩橫圓儀
亦稍闕盛節方漸更美人獨不見沈吟空復情

贈劉舍人

弱冠振芳聲志已戀丘壑黑頭賦遂初卽事欣所託仲
春氣微和開軒面林薄天表衆峯圍花外一泉躍離離
人影疎關關鴛聲樂裴回池上亭客來相對酌幽抱開
古今新詩或間作能持齊物心飛沈共灑落

荅張五

遙夜忽不懌被衣起看皇寒月隱庭柯肅肅凝微霜念
我同袍者三載游朔方川涂修且阻能不紆中腸仰盼
雲中路流焱激金商噉噉羣飛雁哀鳴一何長智士觀

物變達人守故常春華競朝秀秋蘭待晚芳明義亮不
渝蹉跎庸詎傷感爾明珠贈永言矢報章
過金陵

峭帆下蕪湖鍾山當我前連岡百起伏奔走相後先昔
人此割據虎踞而龍蟠上流控荆益負固睨中原秦金
厭不得六代以偏安畫疆自守易統馭四方難前明雖
定鼎再世遷幽燕王氣隨銷歇撤局于福藩牛首詎天
闕鳳臺莽秋煙時平曠一覽迹往悲千年惟有長干寺
塔鈴語雲端

五平五仄體題旅店壁

秋原何蕭條落日照馬首黃河多悲風撼撼斷古柳前
鐵橋漫稿 卷一 心矩齋校本 三百八十五

行將奚之躑躅大渡口飢鷹與人前駭獸逸我右遙遙
望墟煙託宿但恐後還家猶無期道路亦已久中宵長
悲吟拔劍看北斗

暫歸

久客暫歸家似枯枝作花衣冠殊楚楚面目帶風沙今
日卸行李明日復天涯病妻下機立活火烹新茶匆匆
具酒肉親友相經過舉杯問存歿近事勞如麻坦途生
荆棘單家驟豪華我幸長卑賤不哭亦不歌羣狙各競
芋匭鼠亦飲河翕翕夸毗子好官爲錢多人人便其私
焉能顧及他天下常無事有事當如何

溪曲納涼

齋閣苦鬱蒸晚食汗流背揮扇出園門消搖解我帶遙望樹石間蹲踞已數輩我來共笑言坦率胥堪愛微風溪上生爽然暑力退魚行錦藻動日落綵雲碎煙際帆有無野田如組績俛仰怡心神冥與詩思會

大佛寺

跨驢經段橋沿隄轉北岸巉巉寶粟山山脚敞僧院層階陟杳冥古木蔚葱蒨雨兩坡緇徒招招凌紺殿空色閃莊嚴天儀煌震旦輪回七世功廓徹五尋面若使涌全身高于山有半維時秋氣清湖光搖白練風柳老逾姿衰荷香落瓣回看彼岸遙幻影目空眩布地盡黃金我心無繫戀

鐵橋漫稿

三
心矩齋校本
三九八

壑舟園

名園閼化治逶迤東山岑雲岫互回薄重嵐宵深沈稽遲獲選勝得朋遂招尋逕紆入花霧馨濃結午陰修蘿覆苔砌嘉木鳴時禽云流泉駛淙淙戛玉音飛樓指縹緲柯亭積璆琳解衣一盤礴流緬思何任高文壽金石令望揚古今俛仰識陳迹躊躇拂初心感彼蒙莊語倚柱成清吟

登莫釐峯循西麓而下遂憩三茅僧舍

疲憊困炎夏曠服忽清秋乍愉鞢鞢脫遂展平生游重嶺石齒齒雙腋風颼颼履藉始獲夷積勞中稍休蒼虬偃蘿徑綠篠媚丹丘境往迹轉緬厓絕興逾邁威遲度

天半飄忽墜岳幽陰林翳蘭若微雲滄山樓道用習靜悟勝以入險揆已往遂吾有未來誰能謀悠哉達者達喁焉浮生浮

嚴先生釣臺

范書載嚴先生釣處有二齊國上言有一男子披羊裘釣澤中齊國即臨淄無故迹又載耕于富春山後人名其釣處為嚴陵瀨則唐以來所稱釣臺者近是也章懷注引顧野王輿地志七里瀨在東陽江下與嚴陵瀨相接有嚴山桐廬縣南有嚴子陵漁釣處今山邊有石上平可坐十人臨水名為嚴陵釣壇文選謝靈運七里瀨詩注引甘字誤州記桐廬縣有七里瀨

鐵橋漫稿

西
心矩齋校本
八四十二

瀨下數里至嚴陵瀨按志言相接記言數里知七里瀨在今金柏附近後世稱謂改移從身石入隘行七十餘里下漏江總名七里瀧矣建德壽昌界水經注有十二瀨入桐廬界又十六瀨七里瀨第一故注云第二是嚴陵瀨瀨帶山山下有石室嚴子陵所居故山及瀨皆即人姓名之山下有磐石周回十數丈交枕潭際蓋陵所游也如注所言則志之釣壇是臨潭石可坐而釣者江底高瀨漸漸平石室及磐石埋沒沙土下後世嚮慕高風惜釣壇無故迹遂指山半雙峯聳峙百仞者謂之釣臺蓋又千二百年矣釣臺東百許步為嚴先生祠祠東有嚴姓四家即先生後

齋守祠者也唐文粹有補闕梁肅撰碑及羅隱刻石
石皆不存范仲淹記亦非原石然而瀨可平祠可遷
碑可泐釣臺因山爲體與天地無終極矣先生蹤跡
殆無常處世祖物色得之臨瀨前書臨瀨嚴安有傳
或先生亦臨瀨人范書以爲餘姚人耕于富春年八
十終于家云家者蓋富春或餘姚而尉氏縣城東二
十里有嚴光墓見河南通志卷四十九詎老復特徵
而道斃乎史闕有閒恐未必然嘉慶中金陵培土得
先生銅章其文曰莊光信印亡友萊陽趙曾北嵐權
宜興令購得之寄贈余後八年余除建德校官欲不
就顧念得先生名印是有宿因遂到官道經龍中謁

鐵橋漫稿

卷一
五
心齋校本

先生祠登釣臺用謝客七里瀨詩韵成五古一首書
之祠壁若乃推求本事先生就徵會遭星變決意歸
耕余嚮爲七絕發明之茲不復及

雙巒柱太虛曠世展幽眺江波洗俗心山石貌孤峭野
雲相與閒漢日常懸曜潭清見鱗潛谷深無虎嘯遐哉
老宗人投札語言妙狂奴終不臣天子亦善誚揮手臨
高臺長竿獨下釣任公儻寓言巢父堪同調

乞巧行

華月滿空河宛轉靈鳥接刼夜相見長安女兒體態柔
含情怯倚洗妝樓銀鐙熒熒照綺縠篆香一炷望空祝
細語拈針人不問願妾侶花郎侶玉貧家有女巧莫當

單衫百綴無完裳脈脈停針願乞拙游雲蔽空靈彩沒
澗屋行

火雲鼎鑪壓澗屋泐石鎔金署太酷蒼龍不吟阿香伏
南村老公昨卽世俾我愁疾已滿腹縱有美酒誰共傾
白晝閉門鼃頭縮袒眠赤腳搖大扇俗客不來萬事足
世情磬折貌爲恭賤子生平懶徵逐同門姚生差愛我
肯示肝膽吐衷曲近亦病死荒江濱南望南雲淚一斛
可憐出門向誰適親故紛紛電光速不分君等電光速
又值驕陽焦殺木

白日行

白日升天吁可樂黑頭歸田復不惡勸君逢花飽看來

鐵橋漫稿

卷一
六
心齋校本

勸君有酒且淡杯若言造化無顛倒盜跖壽終顏子夭
若言王道不競絀竊鉤者誅竊國侯今人慨慕義農上
生值義農亦惆悵

紅毛刀歌送賈員外錫章之秦軍

彎彎新月四尺刀來自西極西紅毛紅毛鬼子大洋裏
隔卻地球九萬里鴻鈞熾炭兌爲金百練歐羅巴之陰
鍊成此刀飲以血拔刀四顧心腸熱神物之神在殺人
以殺止殺刀甚仁旄頭忽現機槍埽夜半有聲躍出鞘
屋梁燿燿金電馳電中一條毒蛇飛飛到中原百金直
得此如得萬人敵使者辭

朝西入秦佩刀銜

命出都門鼓而進之賊皆敗舉刀一揮賊皆拜捷書飛
奏天霽顏軍中齊唱大刀鐮

寄李秀才

朦朧天際月挂我谿邊松舉頭東北望不見莫釐峯平
生四海論交道誰能背面相傾倒一日相知君獨淡一
日相思令人老范蠡湖頭鷗鳥羣別來長隔半湖雲野
人臥病誰相慰浮玉山中空憶君

相逢行贈張孝廉

士俊

自我不見今八年解后相逢張敬軒春寒野曠東山麓
獨客間行惡衣服鬚髮蒼蒼神嶽嶽道旁把臂語刺促
仰視高天白日速憶昨論交在林屋萬事翻覆數更僕

鐵橋漫稿

心耕齋校本

南風飄忽動林泉魚龍百變狐兔驕丈人請歌靈寶謠
賤子亦解揚雄嘲松楸野徑招提院講壇雨花花日
此時佳客紛紛來席生置酒臨高臺胥湖返景光照曜
但見浮雲慘澹東方來虛無織女倚巖隈猿啼狄吟萬
壑哀山鬼窈窕領其頰今夕不醉各無歸不見昔年豪
健者翁許而今安在哉

無錫訪張

光發

不值留題齋壁

君家太湖北我家太湖南數年一會面會面旬日談絲
花淡巷舊時路間說遠游歸期誤今我尋君不見君他
年尋我知何處曲阿城外村橋關九龍山高霽雪寒
古泉山館行瞿理問

中谿
席上作

瞿二別來十五年楚天解后寧非天春寒積雨羊風角
眼前突兀古泉山貧官誰道無長物侶此豪富吁可憐
山高二寸互四寸當中挺特三封巒淡品空洞各窈曲
懸厓複道相鉤聯濃青大綠新雨渾疑有草木生春煙
細看面皆五銖篆背有好郭輪無邊非公式錢乃女錢
鑄自蕭梁天監間倏忽陳隋唐宋元土花繡結山一拳
膠牢不散形蜿蜒蛇女欲數數大難棄擲吳門荒貨灘
瞿二購得真奇緣築館收貯胥江千繪圖索句爭流傳
求郡求丞北走燕天風吹度湘山巔管館仍隔曰古泉
長沙城裏東北偏門前稀少車馬喧蟬翼紙窗朱漆闌
繞闌百卉風珊珊圖書萬卷碑版千周列鍾鼎中間山

鐵橋漫稿

心耕齋校本

承以歐羅巴紫檀粉牆照耀星斑爛烏几恍惚煙雲纏
館中佳客惟古懼我亦古人堪周旋青春白日張芳筵
面山把酒恣流連離坐拂拭興悲歎我散今錢聚古錢
癖與瞿二聊駉然同時同好十餘輩倪周孫趙劉張潘
云何沈陳業不傳又弱一个翁空泉人生修短皆定數
惟有三立天無權藏窖多金非俊物著書滿簏是登仙
不爾鑄山何足言南唐硯山屬米顛錢山亦須主者賢
無錢看山且快意且讀且耕山下田

邯鄲行

干役太行東茫茫弔全趙柳外波濤漳水聲雲中車馬
邯鄲道邯鄲俠客少年場疇昔豪華不可當關雞走馬

香塵下執戟鳴珂玉殿前趙王宮闕青冥裏平原第宅
連雲起雕闌十百倚華妝上客三千躡珠履鳴鐘擲瑟
夜沈沈倒海移山意氣淡一笑還酬雙白壁片言立取
萬黃金龍蛇交戰風塵黑合從分符馳九國華屋談兵
虎豹韜清霜放馬金銀積已間大將叩關中更起長城
橫代北一朝事去等飛埃富貴雄豪不再來春風苔繡
廉頗甲夜月樵歌主父臺客游魂鳥獸散銳卒千羣
鬼火戰朽札虛稱天帝觴耕夫屢拾長平箭沈吟往事
總堪嗟戰地風沙落日斜照睂池竭臘脂水講武壇開
白骨花花開花落漳河口邯鄲女兒勸客酒醉歌一曲
邯鄲行道上行入盡回首

鐵橋漫稿

心經閣校本

易水行

白衣祖道易水旁荆卿入秦刺秦王誰其副者秦舞陽
督亢之圖持上殿圖窮突然匕首見環柱逐之王負劍
曷不徑前堪其胸迺欲生劫齊桓公事成亦與商於同
天意欲緩秦王死不刺秦王刺銅柱博浪沙椎亦如此
秦鹿行

閭高指鹿秦鹿逃關東羣盜如蝟毛泗上亭長捉生手
重瞳沐猴信越狗敵國破滅功臣烹西山日落雉鳴
酒盃不喋朱虛血神器早爲祿產奪雌呂老去文母來
長楊苑裏萃花開秦鹿未馴漢鹿走孺子拱手新莽受
鄴都行

驅車故鄴都空涌車邊塵三分草莽今安在文采風流
洵可人憶當漢末羣雄起老瞞睨鼎意未已帳前甲仗
萬貔貅輦下詞章七才子安希天命周文王三馬同槽
祚不長廢瓦僅留銅爵字墓田誰給望陵香夫容臺榭
愁行客遺識當塗非宿昔生能漢祚卅年延死竭魏廷
五世澤史家功舉問千秋石趙高齊事不侔惟有祇今
疑冢畔漳河清濁向東流

燥磯靈澤夫人祠行

平明發幫射蛟浦半日潯陽江上風燥磯居然到我眼
倚江片石青苔昔明珠步障入想像村巫社鼓聲丁冬
靈旂恍惚宰木古神鴉銜過山花濃猗昔炎精遽喪亂

鐵橋漫稿

心經閣校本

乃兄虎據江之東犄角劉宗燒赤鼻欲仗歸妹馴蛟龍
家國大事兩決裂夸陵營火通天紅獅子裘來蜀錦碎
非巾幗手能彌縫夫人具挾丈夫氣慷慨一死明其衷
江神踏浪佩環溼英娥窈窕心相從淚落淒其甘露寺
魂歸悵望永安宮白帝江聲五千里愁雲苦霧何終窮
董香光畫青弁山水障子引

我家蒼弁下乃在水晶宮怪底六千餘丈青夫容一夜
飛向邗江東鞭石移山理有無逼視分明是畫圖借問
畫者誰華亭董尙書尙書行草能入妙游戲臨摹多逼
肖卽論繪事亦欲仙畫水眞水山眞山偶爾泛舟清苕
閒寫出青弁高巉岼此幅流傳二百年紙墨默古精神

全挂向客舍壁壁開空翠如欲滴窮幽絕險處皆我舊
登歷珠簾水邊一徑風風裏傳來資福鐘重山複嶺脈
絡通就中一山勢獨雄若非碧巖定雲峯峯腰級瀑布
忽伏而忽見其下百泉匯恐是項王走馬淵叢樹雜石
各幽致揮灑寫意亦神侶不信四尺幅具有千丈勢圖
成繫以詩自署字宰字紀年甲辰秋印記太史氏即今
元氣尚淋漓想見縱橫落墨時行子思歸歸未得較量
縮地無策坐對此畫淚霑臆畫裏還山不當真蕭然
陝爾陟風塵故鄉好景須珍重況是東西南北人

讀史記伍員傳

案君讒死子胥亡吹簫吳市干吳王昭關未索囊中載

卷一

鐵橋漫稿

三

心脾齋校本

楚國邊臣殊憤憤以臣雋君蘆中人為我覆楚者我君
楚國未覆吳國亂專諸進刃闔閭篡恨不生斷平王頭
王僚與爾乃何仇閭閻佳兵自不祥夫差復諫自速亡
為大夫君亦難矣賜之屬鏤怒潮起

讀五代史

崇政使敬翔

二十餘年任軍國惟于馬上得休息知無不言言必從
心腹逆溫作唐賊天方厭梁子弑父夾河敗軍血漂鹵
納繩靴中諫何補烏呼爾亦亂世之能臣與亂同事殉
以身李振謬為丈夫矣何面目入建國門

明宗李嗣源

解鞍厲鏃渾身血色不為變立如鐵天下當與若共之
總管不行梁不滅功高無復堪容身與賊合軍反狀聞
天于倉皇絳霄殿假手伶官作內變斬衰大臨易冕旒
同光舊將盡公侯十年儉德正南面到頭嘔得肉數片
焚香默禱聖人生宮禁沈沈阿誰見

郭招討崇韜

騎虎之勢不得下儉人側目免者寡思立大功以自安
蜀道青天上不難劉皇后最心腸薄闢豎視師禍乃作
鐵槌一擊鐵券收有子五人三斷頭當時若斥延嗣謀
橫衝詎無西顧憂不爾莊宗廊下死魏王權作蜀天子
檄召諸鎮共勤王未知當誰勝負且奈何殺招討僞魏
王中原竟付遜估烈全蜀又歸孟知祥易呼山鬼夜拜
寒煙戌月黑鵲啼錦江樹功大由來不保身為君更慟
汾陽墓

姚指揮洪

守土之臣死効忠我論蜀事悲姚洪于時董璋始唱亂
得其書則投廁中閬州城即日橫岳戍卒千人色枯槁
力窮城破壯士擒餉嚴色厲天日皎割而食之內且盡
鼎鑊之中香縹緲烏呼洪也指揮耳不惜碎身報天子
高官大祿者何人覲顏四姓事十君

三樞密劉廷朗房嵩韓昭胤

羣陰共挾路王起軍國大事問之鬼鬼言竟驗事竟成

連名盡作樞密使當日便教無石郎若輩賊易罔不亡
奈何先事趣之叛君臣失措徒倉皇南山巍巍列騎走
三十萬錢竟誰有與亂終始以自戕太白神人尙在否
桑樞密維翰

桑維翰一尺面不成進士鑄鐵硯慨然自許宰相才那
得不教石郎篡莫言石郎心膽寒石郎何恃恃契丹割
十六州燕雲地契丹冊立兒皇帝以屈爲伸經國計孫
皇帝不兒而孫罪歸宰相復何云白橐駝走大桑焚祖
孫操戈事敗矣爲大臣當爲國死死亦何顏見潞王不
死安能謝德光與亂共事者速亡

景留守延廣

鐵橋漫稿

三
心矩齋校本
三十八九

兒皇帝冊下父皇帝表上誰敗乃事景延廣孫皇帝嗣
告哀文不合稱兒合稱孫孫有橫磨劍十萬退可以守
進可戰帝犯赫斯怒兒家有此倔強漢烏呼神堯起義
臣突厥有李衛公宿恥雪惜哉延廣徒乞乞一箭入鐵
出帝出大年莊前波聲咽

長樂老馮道

無才無德癡老子易代元臣犬馬齒國亡城破敢不來
有率百官勸進爾新朝大錫胡戴功汝其相予位三公
三公天上好顏色惟有恥字苦難識石家易李郭易劉
長樂無極白了頭編紀系朝恩遇厚一姓興亡一杯酒
吳王楊行密

盜亦有道資羣策埽除畢師鐸孫儒早衣蒙甲黑雲都
奄有江淮遂王吳江淮誰說人輕弱戰勝之氣一當百
清口旣斷師古頭渾河又奪從周魄若使乘梁新敗時
與晉倚角共蹈之函朱三首告唐廟桓文之業未逾斯
不成亦吐囊慄氣退保江淮良不遲奈何鼠鬪南鄰好
再世徒然竊大號鑪灰畫策宋齊王吳地竟歸徐知誥

鐵橋漫稿

三
心矩齋校本
一百八十八

鐵橋漫稿卷第一終

鐵橋漫稿卷第二

烏程 嚴可均 景文

對酒

對酒歌太平燕市一迂生閉戶窮經術與人不世情有聲蜚輦載無刺謁公卿落落千秋志悠悠古道行

送張二之西寧

問道西寧路遙遙天盡頭祁連橫塞外湟浩夾城流憐爾長貧者依人作遠游得歸早自計莫遣倚門憂

送蔣立綱之耒陽

聚首不知樂臨岐每愴神遲回吳苑夕寂莫洞庭春遠道三千里相思十二辰汨羅江上過爲我弔靈均

鐵橋漫稿
卷二

心矩齋校本
三百八十三

送沈五之河西

憐君久都下薄宦赴涼州邊月臨關冷河源入塞流客囊孤劍在鄉夢萬山秋稍騁驂驢足歸來放釣舟

蔡氏山齋寄懷徐五

自泛鴟夷宅山齋日夕過新詩留粉壁舊夢隔煙蘿大澤浪無際一春陰太多離心逐歸雁直北度漳河

由天津將之德州葉侍御

紹桂

招集巡漕寓館有詩送

行口占留別

積葉滿庭院津門秋已淡故人憐小別把酒一長吟古意足同調高雲流素襟登車復回首天末孰知音

未必儒冠誤誰教汗漫游天空一雁下風急九河流岐

路斷鄉信暮煙紫客愁前行安所託敝刺怯輕投挂席

挂席三山外遙空水氣寒魚龍時隱躍風日絢波瀾問我將何往毛公舊石壇便從餐火棗遂此煉金丹

湖上

茫茫震湖水隱隱包山岑天末孤舟客中流鼓枻吟積雲吳苑夕寒日大荒陰不見龍威丈煙波空我心

由消夏灣渡湖之東山訪程

師洛

司李

積水與天合飛帆插翅輕焚風摩劍槩山霧翳陰晴善病愁成陣開顏酒作兵伊人渺何處極浦市橋橫

楓涇舟夜

鐵橋漫稿
卷二

心矩齋校本
三百八十七

小小楓涇市遙遙賣酒家卸帆潮正落對岸月初斜柝急無全夢鐙昏有落花因悲耆舊少重憶邵平瓜

酈病

岷山值雨

清晨登岷首片雨過城隅忽訝半山樹回看漸欲無解衣尋逸老把酒與樵蘇等是漂搖者相逢亦我徒

雪中楊三

鳳苞

潘大

翁

贊七

璜

范四

音

枉顧

索處苦岑寂好懷誰向問滿天風雪裏忽地故人來賜首乍煨熟茅柴新發醅無嫌蓬屋冷不醉莫教回

過祁村王氏宅

故人具斗酒遲我過山家一路聽流水前村多落花